

Elim deb, yurtim deb yonib yashash kerak!

# Turkiston

1925-yildan chiqqan boshlagan

«Kamolot» yoshlar ijtimoiy harakati Markaziy Kengashining nashri

www.turkiston.uz

2015-yil 11-fevral, chorshanba № 12 (15858)

## СЎЗ ЖАҲОНГИРИГА ЭҲТИРОМ



Рустам Назарматов олган сурат

Алишер Навоий неча асрларки, адабиёт осмонининг шамси анвари бўлиб, башарият қалбига нур — эзгулик улашиб келмокда. Шоир асарларидаги теран фалсафий маъно рухий-маънавий оламимизни бойитишдан тўхтагани йўқ. Адабиёт мухлислари, синчи мунаққидлар ҳаққоний таъриф этдилар: Навоий — сўз жаҳонгири. Ўзбекистон Миллий боғида шоир таваллудининг 574 йиллигига бағишланган тадбир бўлиб ўтди. Унда давлат ва жамоат арбоблари, шоир-ёзувчилар, адабиётшунос олимлар, ижодий ташкилотлар вакиллари ҳамда талаба-ёшлар иштирок этди.

(Давоми 2-саҳифада)

Yosh tadbirkor — yurtga madadkor



## ЁШ ТАДБИРКОР ФАОЛ — ЖАМИЯТ ФАРОВОН

Урганчлик Маткарим Маткаримов сахар туриб, шаҳар марказига ошиқади. Ал-Хоразмий шоҳ кўчасида тенгдошимизнинг қандолатчилик цехи бор. Корхона эндигина ишга тушган бўлсада, истиқболи порлоқ. Ҳозир унда “Doda” номи билан 50га яқин турдаги ширинликлар ишлаб чиқарилмокда. Атиги бир неча ой ичида маҳсулотлар кўлаб дўкон расталаридан жой эгаллаб улгургани кичик тадбиркор учун катта натижадир.

Маткарим бизнесга илк қадамни “Камолот” ёшлар ижтимоий ҳаракати кўмагида қўйди. Ўтган йили “Ёш тадбиркор — юртга мададкор” танловида ғолиб бўлиб, банкдан 12 миллион сўм миқдорда имтиёзли кредит олди. Юртимизда у каби ёш тадбиркорларни қўллаб-қувватлаш давлат эътиборидаги масаладир. Кичик бизнес ва хусусий тадбиркорлик субъектлари учун яратилаётган қулайликлар фикримизни яққол тасдиқлайди. Бу борада ёшлар қатламининг манфаатлари алоҳида инобатга олинмокда.

(Давоми 5-саҳифада)

## САРҲАД БИЛМАС ТАФАККУР

Мустақил фикрлаш, ҳар қандай воқеа-ҳодисани ўз юрти ва халқ манфаатидан келиб чиқиб ҳолис баҳолай олиш интеллектуал салоҳияти юқори ёшларга хос фазилатлардандир. Ана шундай йигит-қизларнинг қобилиятини юзага чиқаришда «Камолот» ёшлар ижтимоий ҳаракатининг ҳудудий кенгашлари қошида ташкил этилган «Мунозара» тўғаракларининг ўрни катта.



Тошкент молия институтида мазкур тўғараклар жамоалари ўртасида республика беллашуви бўлиб ўтди. Унда Қорақалпоғистон Республикаси ва вилоятлардан биттадан, Тошкент шаҳридан учта жамоа иштирок этди. Мазкур интеллектуал мусобақа давлатимиз раҳбарининг 2014 йил 6 февралдаги қарори билан тасдиқланган «Ўзбекистон Республикасида 2014 йилда ёшларга оид давлат сиёсатини

амалга оширишга қаратилган кўшимча чора-тадбирлар» дастури ижросини таъминлаш мақсадида Ҳаракатнинг Марказий Кенгаши, Олий ва ўрта махсус, Халқ таълими вазирликлари, Ўзбекистон Республикаси Президенти ҳузуридаги Давлат бошқаруви академияси, Ўзбекистон фанлар академияси ҳамкорлигида ташкил этилди.

(Давоми 3-саҳифада)

Ilm sarhadlarida

## МЕВА ДАНАГИДАН ЁҒ ОЛИШНИНГ ЯНГИ УСУЛИ

Яқинда Бухоро муҳандислик технология институти олимлари ўрик, шафтоли, олхўри каби мева данакларидан ёғ олишнинг янги усулини кашф этди. Ушбу усул ёрдамида данакларни чиқиндилардан тозалаш, мағзини пўстлогидан ажратиш, намлигини йўқотиш, термик ишлов бериш, ёғни ажратиш, уни тозалаш ва қиздириб олиш каби ишлар бажарилади.



(Давоми 5-саҳифада)

Kun mavzusi

# ОКРУГ САЙЛОВ КОМИССИЯЛАРИДА САЙЛОВГА ПУХТА ТАЙЁРГАРЛИК КЎРИЛМОҚДА

Қонунчилигимизга кўра, сайловга камида қирқ кун қолганда округ сайлов комиссияси томонидан участка сайлов комиссиялари ташкил этилади. Ўзбекистон Республикаси Президенти сайловини юқори савияда ташкил этиш учун барча шароит яратилмоқда. Округ сайлов комиссияларида матбуот хизмати учун алоҳида хоналар мавжуд бўлиб, улар зарур жиҳозлар билан таъминланган.

## 10-ТОШКЕНТ ВИЛОЯТИ ОКРУГ САЙЛОВ КОМИССИЯСИ

Ўзбекистон Республикаси Президенти сайловини ўтказувчи 10-Тошкент вилояти округ сайлов комиссиясининг навбатдаги мажлисида участка сайлов комиссиялари таркибини тасдиқлаш тўғрисидаги масала кўриб чиқилди. Қонунчиликнинг талаблари асосида вилоятдаги жами 18та шаҳар ва туман Кенгашлари мажлисларида участка сайлов комиссиялари аъзоларига номзодлар муҳокама қилинди ҳамда округ сайлов комиссиясига тавсия этилди. Участка сайлов комиссияларининг аъзолари жамоатчиликнинг кўзга кўринган вакиллари орасидан танланиб, тасдиқланди.

Тошкент вилоятида сайловни ўтказиш учун 872та участка сайлов кунини уларда 1 миллион 906 мингга яқин сайловчи овоз бериши мумкин.

Бундан ташқари, округ сайлов комиссияси мажлисида шаҳар ва туман Кенгашлари томонидан тавсия этилган номзодлар батафсил кўриб чиқилиб, участка сайлов ко-

миссиялари шахсий таркибини тасдиқлаш тўғрисида қарор қабул қилинди.

## 9-СУРХОНДАРЁ ОКРУГ САЙЛОВ КОМИССИЯСИ

Ҳозирги вақтда Ўзбекистон Республикаси Президенти сайловини ўтказувчи 9-Сурхондарё округ сайлов комиссиясида ҳам сайловга тайёргарлик кўриш ва уни ўтказиш бўйича муҳим ишлар амалга оширилмоқда. Комиссия томонидан ўтказилган йиғилишларда округ сайлов комиссиясининг сайловга тайёргарлик кўриш ва ўтказиш бўйича асосий тадбирлар дастури, иш режаси, комиссия аъзолари ўртасида вазифалар тақсими, комиссия аъзоларини шаҳар, туманларга бириктириш, фуқароларни қабул қилиш ва навбатчилик жадваллари ишлаб чиқилиб, тасдиқланди. Округ сайлов комиссияси томонидан шаҳар, туман ҳокимликлари, ҳарбий қисм ва чегара кўшинлари командирларининг тақдимномаларига мувофиқ вилоят чегараси доирасида 708та участка сайлов комиссияси фаолиятининг очиклиги,

ошкоралигини таъминлаш мақсадида унинг қошида матбуот маркази тузилди ва у орқали вилоят оммавий ахборот воситалари вакиллари учун матбуот анжуманлари ўтказилмоқда.

Айни пайтда округ сайлов комиссияси томонидан жамоатчиликнинг обрўли вакилларида шакллантирилган участка сайлов комиссияларининг шахсий таркиби тасдиқланмоқда.

## 13-ҚАШҚАДАРЁ ОКРУГ САЙЛОВ КОМИССИЯСИ

Ўзбекистон Республикаси Президенти сайловига тайёргарлик кўриш ва уни ўтказиш бўйича асосий тадбирлар дастурини амалга ошириш борасида комиссия аъзолари олдида турган муҳим, хусусан, сайлов участкаларини тузишга оид вазифалар белгилаб олинди. Шунингдек, округ сайлов комиссияси Ўзбекистон Республикаси Президенти сайловини ёритиш бўйича Қашқадарё вилояти матбуот марказини тузиш ҳақида қарор қабул қилди.

«Ўзбекистон Республикаси Президенти сайлови тўғрисида»ги қонунга асосан

шаҳар ва туман ҳокимликларининг, ҳарбий қисмлар ёки ҳарбий қўшилмалар командирларининг сайлов участкаларини тузиш тўғрисидаги тақдимномаларига биноан сайлов участкалари тузиш, уларни маҳаллий оммавий ахборот воситаларида эълон қилиш округ комиссиясининг мажлисида муҳокама этилиб, округ сайлов комиссиялари аъзоларининг бу ҳақдаги фикр-мулоҳазалари умумлаштирилди, тақдим этилган ҳужжатлар ўрганилди. Унга кўра Қашқадарё вилоятида Ўзбекистон Республикаси Президенти сайловини ўтказувчи 867та участка сайлов участкаларининг рўйхати уларнинг тартиб рақамлари, чегаралари ва сайловчилари сони кўрсатилган ҳолда маҳаллий матбуотда эълон қилинди. Ҳозирги вақтда вилоят бўйича туман ва шаҳар Кенгашлари сессияларида Ўзбекистон Республикаси Президенти сайловини ўтказувчи участка сайлов комиссияси таркибига номзодлар тавсия этилди.

## 5-Навоий округ сайлов комиссияси

Ўзбекистон Республикаси Президенти сайловига тайёргарлик жараёни Навоий вилоятида ҳам қонунчиликда белгиланган талаб ва меъёрлар асосида олиб борилмоқда.

Миллий сайлов қонунчили-



гимизга мувофиқ округ сайлов комиссияси учун бино ва хоналар ажратилиб, комиссиянинг юқори савияда фаолият юритиши учун қулай шароит яратилди. Айниқса, оммавий ахборот воситалари ходимлари учун ўтказилаётган брифингларда округ сайлов комиссияси раиси томонидан жараён хусусида батафсил маълумотлар тақдим этиб борилмоқда. Уларда асосан, ушбу сайловни юқори савияда ўтказиш учун кўрилаётган тайёргарлик ишлари ҳақида атрофлича сўз юритилмоқда. Айни пайтда округ сайлов комиссияси белгиланган дастур асосида фаолият юритмоқда. Вилоятда 333та участка сайлов участкаси тузилиб, уларга амалий ёрдам кўрсатиш учун комиссия аъзолари ҳудудларга бириктирилди. Матбуотда сайлов участкаларининг рўйхати, тартиб рақами, ҳудуд чегараси, сайловчилар сони эълон қилинди. Бўлажак сайловларда Навоий вилоятидан 628592 нафар сайловчи овоз бериши кутилмоқда, уларнинг 4563 нафари сайловда биринчи марта иштирок этади.

**Жавлон ВАФОЕВ,**  
«Turkiston» мухбири

# СЎЗ ЖАҲОНГИРИГА ЭҲТИРОМ

(Давоми, бошланиши 1-саҳифада)

Юртбошимиз «Юсак маънавият — энгилмас куч» асаридида Алишер Навоийнинг ижодини ўрганиш миллий маънавиятимизни юксалтиришнинг муҳим омили эканини таъкидлайди: «Инсон қалбининг қувончу қайғусини, эзгулик ва ҳаёт мазмунини Навоийдек теран ифода этган шоир жаҳон адабиёти тарихида камдан-кам топилади. Она тилига муҳаббат, унинг беқиёс бойлиги ва буюклигини англаш туйғуси ҳам бизнинг онгу шууримиз, юрагимизга аввало Навоий асарлари билан кириб келади».

Навоий чиндан ҳам ўхшаши йўқ буюк сўз санъаткори. Ундан қолган адабий мерос яхшилик, эзгулик йўлида башариятга хизмат қилиб келмоқда.

Алишер Навоий давлат арбоби сифатида улкан бунёдкорлик ишларини амалга оширган. Хондамирнинг ёзишича, шоирнинг шахсий маблағлари ва ташаббуси билан 12 хонақоҳ, 53 работ, 20 ҳовуз, 10га яқин ҳаммом бунёд этилган. Мутафаккир асос солган мадрасаларда забардаст олимлар мударрислик қилиб, талабалар идрор (махсус

стипендия) билан таъминланган. Бу мадрасаларда шариат илмидан ташқари тиббиёт, астрономия, ҳикмат, риёзиёт, хандаса, мантиқ, фалсафа каби фанлар ҳам чуқур ўргатилган.

— Навоийнинг бунёдкорлик ишлари, мамлакат тинчлиги йўлида кўрсатган жонбозлиги ҳақида кўп ва ҳўб ёзилган, бундан кейин ҳам ёзилади. Бу фақат ифтихор ва ҳайратга сабаб бўладиган далиллар эмас, балки ҳар бир инсонни эзгулик сари даъват этувчи ибрат мактаби ҳамдир, — дейди таниқли навоийшунос Олимжон Давлатов. — Миллий мафкурамизнинг асоси бўлмиш комил инсон ғояси улуғ шоир ижодида баланд пардаларда тараннум этилган.

Истиклол йилларида Навоийнинг барча асарлари тўлиқ нашр этилиб, жаҳоннинг кўплаб тилларига таржима қилинди. Навоийнинг таваллуд кунини юртимизнинг барча ҳудудларида, адабиёт байрами сифатида кенг нишонланади. Унинг ҳаёти ва ижодига бағишланган адабий учрашувлар, навоийхонлик кечалари ўтказиш аънамага айланди. Шоир ғазаллари билан айтиладиган соҳир қўшиқлар кириб бормаган ўзбек хонадонини бўлмас керак.



Рустам Назарматов олган сурат

Навоий ижодиёти абадиятга дохил. Зеро, «Хамса»дек бетакрор маънавият қомусини яратиш учун ижодкор шахсияти ва ижодиёти мутаносиб бўлиши керак.

Тадбир давомида мутафаккирнинг адабий мероси, ижодий фаолияти ҳақида жаҳон адабиёти намояндаларининг қимматли фикрларидан парчалар

ўзбек, рус, инглиз тилларида ўқилди.

Ўзбекистон халқ ҳофиси Маҳмуд Тожибоев ижросидаги Навоий ғазали билан айтилган «Айласам» қўшиғи йиғилганларга ўзгача кайфият бағишлади.

**Алибек ОМОНТУРДИЕВ,**  
«Turkiston» мухбири

# САРҲАД БИЛМАС ТАФАККУР

**(Давоми, бошланиши  
1-саҳифада)**

Иштирокчилар дастлаб Алишер Навоий номидаги Ўзбекистон Миллий кутубхонасида бўлиб, у ерда китобхонлар учун яратилган имкониятлар ҳамда ажодларимизнинг нодир асарлари билан яқиндан танишди. Уларга Миллий кутубхонанинг аъзолик гувоҳномалари топширилди.

2014 йилнинг октябрь ойида «Мунозара» тўғарақларининг олтмиш нафар координатор ва тренери учун Бўстонлик туманида жойлашган «Камолот» ёшлар оромгоҳида махсус ўқув-семинар ташкил этилди. Улар учун соҳа мутахассислари томонидан мантиқий фикрлаш қобилиятини ривожлантириш, нотиклик санъати ва этикасини шакллантириш, нутқ жараёнига психологик тайёрланиш каби мавзуларда интерфаол усулларда маҳорат дарслари ўтилган эди. Шунингдек, мунозара ҳақида дастлабки умумий тушунча ва унинг ривожланиш тарихи, бугунги кундаги аҳамияти, беллашувларни баҳолаш мезонлари хусусида давра суҳбатлари, амалий машғулотлар ўтказилди.

— Мазкур тўғарақларга

мунозарага киришди.

Одатда, кундалик ҳаётимизда турли баҳс-мунозараларга гувоҳ бўламиз. Ҳар биримиз дарс жараёнида, ишда ёки бозорда, ҳатто оила даврасида ҳам баҳс-мунозара иштирокчисига айланамиз. «Мунозара» тўғарақларида эса гло-

йўлланма олди.

— Биз аҳил жамоа бўлиб, бир-биримизнинг фикримизни тўлдиришга ҳаракат қилдик. Шу орқали дастлаб Бухоро вилояти жамоасини мағлуб этдик, — дейди Наманган вилояти жамоаси аъзоси Ҳожиакбар Паттаев. — Лекин



**Ваҳоб Қўқоров,  
Ўзбекистон Республикаси Президенти ҳузуридаги Давлат бошқаруви академияси профессори,  
сиёсий фанлар доктори,  
ҳакамлар ҳайъати раиси:**

— Мулоқотга киришишнинг ҳам ўз тартиби, мезонлари бор. Нотиклик бир дақиқада шаклланиб қолмайди. Фикрингизни бирор инсонга тушунтириб, уни исботлаб бериш, бу шунчаки жараён эмас. Иштирокчилар бир-бирини тинглаш, фикрига кулоқ солиш, асосли савол бериш, керакли фикрларни билдириш, бир сўз билан айтганда, баҳс-мунозарага киришиш маданиятини яхшигина ўзлаштирган. Улар мустақил фикрига, ҳаётда аниқ мақсадига эга. Муҳокама қилинган мавзуларда шунчаки, олди-қочди гаплар билан эмас, балки илм-фанга таяниб, буюк алломаларимиз илмий меросидан келиб чиққан ҳолда баҳс-мунозарага киришгани бизни қувонтирди.

бал, ижтимоий аҳамиятга эга бўлган долзарб мавзулар муҳокама қилинади. Унда тенгдошларимиз, аввало, бир-бирининг фикрини ҳурмат қилиш, мулоҳазаларида аниқ далил ва исботларга таянишни ўрганади.

Республика турнирида ҳам баҳс-мунозара юритиш маданиятини яхши ўзлаштирган,

саралаш ўйинида сирдарёлик тенгдошларимиз бизни ортда қолдирди. Асосийси, камчиликларимизни билиб олдик, энди янада кўпроқ ўқиб-излашнига ҳаракат қиламиз.

«Гуманитар фанлар аниқ фанлардан муҳим». Бу — турнирнинг чорак финал баҳси мавзуси. Унда саккиз жамоанинг учтадан энг кучли нотиклари мавзу юзасидан тасдиқ ва инкор позициясида баҳс-мунозарага киришди. Натижада Қорақалпоғистон Республикаси, Сурхондарё ва Тошкент вилоятлари ҳамда Тошкент-1 жамоалари аъзолари нотиклиги, келтирилган далил ва фактларининг аниқлиги билан ажралиб турди.

— Турнирнинг республика босқичида ҳеч бир жамоага осон бўлмади, — дейди Тошкент-1 жамоаси вакили Алишер Рўзихонов. — Қийинчиликларни босқичма-босқич енгиб ўтишга тўғри келди. Бу ярим финал баҳсида Қорақалпоғистон Республикаси ва Тошкент вилояти жамоаларига қарши кечган ўйинимизда яққол сезилди. Чунки ярим финалга энг кучлилар етиб келади. Жамоамизнинг берилган мавзуни тўғри англаб олиши ғалабамизнинг 50 фоизини таъминлади.

«Урбанизация жараёни дунё аҳолисининг фаровонли-

**Миршод Очилов,  
«Камолот» ЁИХ Бухоро вилояти кенгаши қошидаги «Мунозара» тўғарақи тренери:**

— Айни пайтда вилоятимизда фаолияти йўлга қўйилган «Мунозара» дебат тўғарақига қизиқиш билдираётган ўғил-қизлар сони юз нафардан ортди. Ҳафтада бир мартаба ташкил этилаётган мунозара ўйинлари ўз натижасини бермоқда. Шу кунга қадар «Технологик жараёнлар инсон ҳаётини яхшилайдми», «Интернетдаги оммавий таҳдидлар» каби турли масалаларда баҳс-мунозаралар ташкил этилди. Тенгдошларимиз бу орқали ўзларига керакли билим ва кўникмаларга эга бўляпти.



республика миқёсида икки минг нафардан ортиқ ўғил-қиз жалб этилган, — дейди «Камолот» ЁИХ Марказий Кенгаши бўлим мудири Шавкат Зайниддинов. — Худудларда улар иштирокида «Эрта никоҳнинг салбий оқибатлари», «Китоб — тафаккур хазинаси», «Ёшлар ва интернет», «Оммавий «маданият» — миллий маданиятнинг қушандаси», «Ижтимоий тармоқларнинг фойдасидан зарари кўп», «Оммавий «маданият»нинг жамиятга таъсири», «Компьютер ўйинларининг ёшлар маънавий онгига салбий таъсири» каби мавзуларда мунтазам машғулотлар олиб борилмоқда. Ўтган йилнинг декабрь ойида Ҳаракатнинг худудий кенгашлари қошида ташкил этилган «Мунозара» тўғарақи аъзолари ўртасида турнирнинг худудий босқич беллашувлари ўтказилиб, терма жамоалар шакллантирилди. Бугун ушбу 16та худудий терма жамоа «Интернетни буткул чеклаш ўзини оқламайди», «Урбанизация жараёни инсон турмуш тарзини яхшилайдми», «Гуманитар фанлар аниқ фанлардан муҳим» каби мавзуларда баҳс-

нотиклик санъатига эга бўлган, билимли, иқтидорли тенгдошларимиз қўрға натижаларига кўра дастлаб саккизта гуруҳда «Интернетни буткул чеклаш ўзини оқламайди» мавзуида баҳслашди.

Ўйин қоидаларига кўра, рақиб жамоа фикрини инкор этиш мумкин. Бироқ ҳар қандай ҳолатда баҳслашиш этикасига риоя қилинади.

Баҳс-мунозараларда устун-



**Ил'ос Сафаров,  
Тошкент вилояти жамоаси аъзоси:**

— «Мунозара» тўғарақи тенгдошларимизнинг фикрлаши, дунёқараши, ижтимоий фаолликларини оширишга, мамлакатимизда амалга оширилаётган ислохотлар тўғрисидаги билимларини мустаҳкамлашга хизмат қилляпти. Тўғарақда олиб борилаётган мунозаралар эса биз, ёшларнинг долзарб масалаларни муҳокама этиш, ўзгаларнинг фикрини ҳурмат қилишни ўргатиб, таҳлилий ва танқидий фикрлаш қобилиятимизни ривожлантирмоқда.

ликка эга бўлган Қорақалпоғистон Республикаси, Жиззах, Хоразм, Сурхондарё, Сирдарё, Тошкент вилоятлари ва Тошкент шаҳрининг иккита жамоаси турнирнинг саралаш босқичидан ўтиб, чорак финалга

гига хизмат қилади. БМТ маълумотларига кўра, 1900 йил дунё аҳолисининг 14 фоизи шаҳарларда яшаган бўлса, 2013 йилга келиб, бу кўрсаткич 52 фоизни ташкил этди. Ривожланган ва катта шаҳар-



лар инсонлар маънавияти ва маданий эҳтиёжини тўлароқ қондиради, мавжуд ахборот манбаларига кенг йўл очиб беради. Урбанизация жараёнида соғлиқни сақлашнинг барча тизимлари ривожланади. Бунинг натижасида узоқ умр кўрувчилар сони ортиб боради, эркин ва иқтисодий зоналар кўпаяди, туризм барқарорлашади, дам олиш ва истироҳат боғлари барпо этилади. Барча қулайликларга эга бўлган осмонўпар бинолар, кўркам шаҳарлар қурилади...».

Бу «Урбанизация жараёни» инсон турмуш тарзини яхшилайдми» мавзуида ўтказилган ярим финал баҳсида тасдиқ позициясида ўйнаган Тошкент вилояти жамоаси томонидан билдирилган фикр эди. Инкор позициясини қўллаган қорақалпоғистонлик тенгдошларимиз эса мазкур мулоҳаза ва далилларни рад этди...

— Ўйин қизғин баҳс-мунозарага бой бўлди, — дейди Қорақалпоғистон Республика-


бу соҳада етарли билимга эга экани билан рақиб жамоадан устунлиги сезилиб турди. Улар инкор позициясини қўллаган жамоанинг билдирган фикрларини инкор этмади, балки уларга ечим келтириб ўтди. Шу билан ҳам ўз устунлигини намойиш қилди.

— Чорак финал баҳсида ҳам Тошкент-1 жамоасига қарши инкор позициясида ўйнагандик, — дейди Сурхондарё вилояти жамоаси аъзоси Суннатилла Бозорбоев. — Ҳозир эса тасдиқ позициясида ўйнадик. Ҳар иккаласида ҳам ўйин осон кечгани йўқ. Қандай позицияда ўйнашдан қатъи назар, ғалаба қозониш нотикларнинг маҳоратига боғлиқ. Вазият 90:10 бўлганда ҳам сиз зарур маълумот ва далилларни келтириб, рақибингизнинг 90 фоиз устунлигини йўққа чиқаришингиз мумкин.

Шу тариқа «Мунозара» тўғарақларининг республика турнири ўз якунига етди. Ҳакамлар ҳайъатининг сўнгги

**Ойбек Саидумаров,  
Тошкент давлат юридик университети ўқитувчиси,  
ҳакамлар ҳайъати аъзоси:**

— Бу турнир ёшларнинг дунёқараши-ни, бир-бирига бўлган муносабатини яхшилайдми. «Мунозара» тўғарақи билимга чанқоқ йигит-қизлар ҳаётида янги бир босқични бошлаб берди, десак муболаға бўлмайди. Ушбу билим ва маҳорат синови ука-сингилларимизнинг босиб ўтган йўлига қайта бир назар ташлашга, таҳлил этишга ҳам ундайди.



си жамоаси аъзоси Ҳамдам Отажонов. — Учинчи ўрин учун кечган баҳсда жамоанинг қай даражада тайёргарлиги кўриниб қолди. Тўғриси, рақибимизнинг ўйинидан унчалик қониқмадим. Сабаби — уларга илмийлик етишмади. Гарчи энгилган бўлсак-да, турнирда иштирок этганимиздан хурсандимиз. Зеро, тафаккуримиз мана шундай интелектуал беллашувларда янада кенгайди.

Омад кучиларга кулиб боқадиганларидек, финалга ҳам энг кучли жамоалар — Тошкент-1 ҳамда Сурхондарё вилояти жамоалари етиб келди. «Урбанизация жараёни» инсон турмуш тарзини яхшилайдми» мавзуида баҳсга киришган жамоалар тасдиқ ва инкор позициясида ҳар томонлама пухта тайёргарликка эга эканликларини исботлади. Сурхондарё жамоаси ўйин давомида мавзуга пухта тайёргарлик кўргани,

хулосасига кўра, Сурхондарё вилояти 28,1 балл билан биринчи, Тошкент шаҳри 26,1 балл билан иккинчи, Тошкент вилояти эса 23,5 балл тўплаб учинчи ўринга муносиб деб топилди.

Турнир давомида фаоллиги, нотиклиги ва моҳирона мунозара олиб бориш қобилияти билан тенгдошларига намуна бўлган Наманган вилояти жамоаси аъзоси Маъмур Эргашев, Тошкент шаҳрининг иккинчи жамоаси аъзоси Камрон Абдулазимов ва қорақалпоғистонлик Ҳамдам Отажонов «Энг яхши нотик» номинацияси бўйича тақдирланди.

Республика турнири ғолиблари ва фаол иштирокчиларига диплом ва қимматбаҳо соғвалар топширилди.

**Рустам ЮСУПОВ,  
«Turkiston» муҳбири.  
Рустам Назарматов  
олган суратлар.**



## КАМОЛОТГА ЭЛТУВЧИ МЕРОС

Пойтахтимиздаги “Туркистон” саройида Алишер Навоий таваллудининг 574 йиллиги муносабати билан “Назм ва наво” кечаси бўлиб ўтди.

Маданият ва спорт ишлари вазирлиги, Ёзувчилар уюшмаси, Маънавият тарғибот маркази, Бадиий академия, Ўзбекистон матбуот ва ахборот агентлиги, “Тасвирий ойна” ижодий уюшмаси ҳамкорлигида ташкил этилган тадбирда ёзувчи ва шоирлар, адабиётшунос олимлар, маънавият тарғиботчилари, маданият ва санъат намояндалари, талаба-ёшлар иштирок этди.

— Алишер Навоий ҳаётлик пайтидаёқ асарлари адабиёт ва санъат ихлосмандлари қалбини забт этган эди, — дейди Ўзбекистон дав-

лат консерваторияси кафедра мудир, санъатшунослик фанлари номзоди Сойибжон Бегматов. — Улуғ шоир мероси санъат аҳли учун туганмас илҳом манбаидир. Буюк бобомизнинг “Мажолисун-нафоис”, “Лисонут-тайр” асарларида мусиқа илми ва тарихига оид кўплаб маълумотларни учратамиз.

Тадбирда сўзга чиққан Ўзбекистон Ёзувчилар уюшмаси раиси, халқ ёзувчиси Муҳаммад Али, “Буюк хизматлари учун” ордени соҳиби, академик Азиз Қаямов ва бошқа ижодкорлар истиқлол йилларида фан-таълим, адабиёт ривож-

га қаратилаётган эътибор, хусусан, Алишер Навоий ижодий меросини ўрганиш ва кенг тарғиб этиш борасида амалга оширилган ишлар, эришилган ютуқлар хусусида тўхталди.

“Назм ва наво” мусиқали-маърифий кечасида Навоий ғазалларидан намуналар, дostonларидан парчалар ўқилди. Ғазаллари билан айтиладиган мумтоз ашулар янгради.

— Буюк шоир асарларининг ҳар бир сатрида бетакрор жозиба, оҳанг бор, — дейди Ўзбекистон халқ ҳофизи Абдунаби Иброҳимов. — Санъаткорлари-

мизнинг Навоий ижоди-га қайта-қайта мурожат қилишларининг сабабларидан бири ҳам шу. Бутун ижодида инсон ва инсоний фазилатларни тараннум этган аллома шоир асарлари неча асрлардан буён авлодлар маънавий-руҳий камолоти-га хизмат қилмоқда.

Тадбир доирасида шоир ҳаёти, ижодий фаолиятига бағишланган тасвирий ва амалий санъат намуналари, Навоий асарлари кўргазмаси намойиш этилди.

**Назокат  
КУРБОННИЁЗОВА,  
«Turkiston» мухбири**

Навоий шаҳридаги “Фарҳод” маданият саройида Навоий кончилик коллежи ташаббуси билан “Алишер Навоий меросининг ёшлар тарбиясидаги ўрни ва аҳамияти” мавзусида 6-анъанавий республика илмий-амалий анжумани бўлиб ўтди.

## УЛУҒ ШОИР ИЖОДИГА БАҒИШЛАНДИ

Олий ва ўрта махсус таълим вазирлиги, вилоят ўрта махсус касб-хунар таълими бошқармаси билан ҳамкорликда ташкил этилган анжуманда республикамизнинг турли ҳудудларидан навоийшунос ва адабиётшунос олимлар иштирок этди.

Навоий шаҳрининг замонавий қиёфаси, унда амалга оширилган бунёдкорлик ишлари билан танишган иштирокчилар вилоят марказий истироҳат боғидаги Алишер Навоий ҳайкали пойига гулчамбар кўйиб, унинг сиймосига чуқур ҳурмат ва эҳтиром кўрсатди.

Конференцияда Ўзбекистон Фанлар академияси Алишер Навоий номидаги Тил ва адабият институтининг илмий ходимлари ҳамда юртимиздаги олий таълим муассасаларининг профессор-ўқитувчилари маъруза қилди. Улуғ шоирнинг бебаҳо адабий меросининг бугунги кундаги аҳамияти, ёшлар тарбиясидаги ўрни хусусида сўз юритилди.

Анжуман сўнгида “Фарҳод” маданият саройи ижодий жамоаси ҳамда Навоий кончилик касб-хунар коллежи ўқувчилари иштирокида Алишер Навоий ва Ҳусайн Байқаронинг ҳаёти ёритилган сахна кўриниши намойиш этилди. Навоий ғазаллари асосида ижро этилган куй-қўшиқлар тадбир-га ўзгача кайфият бағишлади.

**Отабек АСЛОНОВ,  
«Turkiston» мухбири**

Yoshlarga oid davlat siyosati — amalda

## ЮКСАК ЭЪТИБОР ВА РАҒБАТ НАМУНАСИ



ЎЗА фотомухбири Муқимжон ҚОДИРОВ олган суратлар.

Каратэ бўйича Ўзбекистон чемпиони Ахроржон Саминжонов учун 2015 йил янада омадли келди. Унинг оиласига Учкўприк туманида бунёд этилган “Камолот” уйларидан икки хонали уй имтиёзли кредит асосида берилди. Ҳа, бу унинг эришган ютуқларига муносиб рағбат бўлди. Бугун турмуш ўртоғи Намунахон ва ота-оналарининг қувончи чексиз.

Мамлакатимизда Президентимиз раҳнамолигида олиб борилаётган кучли ижтимоий сиёсат мустақил давлатимизнинг энг муҳим тамойиллардан биридир. Кексаларни эъзозлаш йилида бу борадаги ишлар кўлами тобора кенгаймоқда. Жамиятнинг асосий бўғини бўлган оилани мустаҳкамлаш, айниқса, ёш оилаларнинг ҳуқуқий ва ижтимоий-иқтисодий манфаатларини ҳимоя қилиш, уларни ҳар томонлама қўллаб-қувватлашга алоҳида эътибор қаратилаётир.

Давлатимиз раҳбарининг 2014 йил 6 февралдаги “Ўзбекистон Республикасида ёшларга оид давлат сиёсатини амалга оширишга қаратилган қўшимча чора-тадбирлар тўғрисида”ги қарори бу

борада муҳим дастуриламал бўлиб хизмат қилмоқда.

Ижтимоий-иқтисодий муаммоларни ҳал этишда, биринчи навбатда ёш оилаларнинг ўз турар жойига эга бўлишида амалий ёрдам кўрсатиш учун уларга имтиёзли ипотека кредитлари бериш тизими жорий этилди. Шунингдек, яқка тартибда уй-жой қуриш, реконструкция қилиш ва уй-жой ёки кўп қаватли уйдан квартира сойти олиш учун ипотека кредити олувчи ёш оилалар аъзоларининг даромадларига солиқ имтиёзлари берилди.

Ўзбекистон Республикаси Вазирлар Маҳкамасининг 2014 йил 8 сентябрдаги “Мамлакатнинг ижтимоий ҳаётида фаол қатнашаётган ёш оила-

ларни уй-жой билан таъминлашни янада қўллаб-қувватлаш чора-тадбирлари тўғрисида”ги қарори ижроси доирасида 2014 йилда Фарғона ва Қувасой шаҳарларида “Камолот” уйлари бунёд этилиб, ёш оилаларга берилди.

Учкўприк ва Тошлоқ туманларида бир гуруҳ ёш оилаларга янги уйларнинг қалитлари топширилиши ҳам ана шу эзгу ишларнинг узвий давоми бўлди. Замонавий лойиҳалар асосида барпо этилган кўп қаватли уйларда барча шароит ва қулайликлар яратилган.

Тошлоқ туманидаги 55 ёш оилага мўжалланган “Камолот” уйдан турар жой олганлар орасида Равшан Мадрахимов ҳам бор. Унга тўрт хонали уйнинг қалити топширилди.



— Биз, ёшларга кўрсатилаётган юксак эътибор ва ғамхўрлик учун Президентимиздан миннатдоримиз, — дейди Равшан. — Албатта, бу ишонч-ни ўз билимимиз ва меҳна-

тимиз билан оқлаб, юрт тараққиётига муносиб ҳисса қўшамиз.

**М.СУЛАЙМОНОВ,  
ЎЗА мухбири**

# МЕВА ДАНАГИДАН ЁҒ ОЛИШНИНГ ЯНГИ УСУЛИ

(Давоми, бошланиши 1-саҳифада)

Бу ҳақда ихтиро муаллифларидан бири — Каримжон Фафуров шундай дейди:

— Кўпчилик меванинг ўзига эътибор бериб, данагига иккинчи даражали маҳсулот сифатида қарайди. Шу боис ҳар

**Ўрик данагидан олинган ёғнинг таркибида А, В, С витаминлари, калий ва маъий тузлари, ёғ кислоталари ва бошқа зарур моддалар бор.**

йили юртимиз боғбонлари томонидан етиштирилаётган икки миллион тоннадан кўпроқ мева, 1,3 миллион тоннадан зиёд узумдан атиги ўн фоиз данак ажратиб олинади. Мева данакларида ёғ сақлаш хусусияти анча юқори, яъни битта данак таркибининг 24-25 фоизи ёғдан иборат. Узумга келадиган бўлсак, унинг данагида 18—24 фоиз ёғ мавжуд. Масалан, ўрик данаги мағзи данак массасининг 20—33 фоизини, мағзининг ёғлилик даражаси эса 35—40 фоизни ташкил этади. Янги олинган ўрик ёғи очик рангли, ҳиди бодомни эслатади. Ўрик данагидан олинган ёғнинг таркибида А, В, С витаминлари, калий ва маъий тузлари, ёғ кислоталари ва бошқа зарур моддалар мавжуд. Биз



таклиф этаётган усулда данак мағзидан олинадиган ёғлар асосан, фармацевтика ва косметологияда ишлатилади. Озиқ-овқат саноатида эса ўсимлик ёғларини витамин билан бойитиш учун қўлланилади. Чунки мева данакларидан

Каримжон Фафуров бошчилигидаги муҳандис-технологлар гуруҳининг таъкидлашича, мазкур мева данакларидан ёғ олиш технологик тизими кичик корхона ва фермер хўжаликлари учун мўлжалланган, у қайта ишловчи кичик корхоналарнинг

**Мамлакатимизда ҳар йили икки миллион тоннадан кўпроқ мева, 1,3 миллион тоннадан зиёд узум етиштирилади. Улардан атиги ўн фоиз данак ажратиб олинади. Мева данакларида ёғ сақлаш хусусияти анча юқори, яъни битта данак таркибининг 24-25 фоизи ёғдан иборат. Узум данагида эса 18—24 фоиз ёғ мавжуд.**

олинаётган мазкур ёғларнинг таннархи анча юқори.

Ҳозирги кунда мамлакатимизда данак ёғи ишлаб чиқарувчи, юқори иш умумдорлигига эга мини технологиялар тизимининг мавжуд эмаслиги боис мева данакларининг 70-80 фоизи қайта ишланмапти.

пайдо бўлиши, ҳудудларда хомашёнинг исроф бўлмалиги, янги иш ўринларини яратиш ва энергия тежамкорлиги каби муаммолар ечимини ҳал этишга кўмаклашади.

— Ҳозир амалиётда қўлланилаётган мева данакларидан доривор ёғларни ажратиб

олиш технологияси ёрдамида ёғлар икки маротаба «совуқ» пресслаш усули билан олинмоқда, — таъкидлайди Каримжон Фафуров. — Одатда, маҳсулотни бундай усулда пресслашдан олдин иссиқлик ишлови берилмайди. Бунинг асосий сабаби олинадиган ёғнинг

**Ўзбекистон Интеллектуал мулк агентлиги томонидан «Мева данагидан ёғ олиш усули» учун К.Фафуров, А.Сафаров, А.Ортиқов, Д.Базарбоева, Д.Хикматов, А.Холиқовдан иборат муаллифлар жамоасига № ИАП 20090176 талабнома бўйича №04990 рақамли патент берилди.**

шифобахш хусусиятини сақлаб қолишдир. Данак мағзининг температураси 55-60°Cдан оширилса, ёғ таркибидаги фойдали элементлар йўқолиб кетади. Бироқ бу усул орқали данак мағзидаги ёғнинг фақат эллик фоизигина олинади, холос. Биз таклиф қилаётган усулда эса мева (хусусан, ўрик, шафтоли, олхўри) данакларидан ёғ олишда тўғридан-тўғри экстракциялаш жараёни амалга оширилади. Дастлаб инфрақизил нурлар билан паст температурада иссиқлик ишлови берилган майдаланган данак мағзи

таркибидан ёғ ажратиб олинади. Экстракциялаш жараёнидан сўнг олинган ёғ аралашмаси дистиллятор қурилмасига юборилади. У ерда 60°C ҳароратдан ошмаган ҳаво сий-

**Данак мағзидан олинадиган ёғлар асосан фармацевтика ва косметологияда ишлатилади. Озиқ-овқат саноатида эса ўсимлик ёғларини витамин билан бойитиш учун қўлланилади.**

раклиги шароитида буглантрилиб, конденсатор ёрдамида совитилади. Шундан сўнг тайёр бўлган данак мағзи ёғлари дистиллятор қурилмасидан чиқарилиб, тозаланади ва шу ернинг ўзида қадоқланади. Барча жараёнларни паст температурада олиб бориш натижасида олинадиган ёғ маҳсулоти фармацевтика ва косметология талабларига жавоб берадиган сифат кўрсаткичларини сақлайди. Катта ютуғимиз кунжара таркибида 40-50 фоиз эмас, атиги бир фоиз ёғ қоляпти, холос.

Янги усулнинг яна бир афзаллиги кам энергия талаб қилишидир. У қайта тикланадиган электр энергия манбасидан кувват олади. Бу билан 1 кВт энергия сарф қилиб, 4,5-5 кВтли иш бажариш мумкин. Эътиборлиси, кичик корхона ва фермер хўжаликлари учун мўлжалланган мазкур усулда ишлайдиган технологик тизим орқали суткасига 120 килограмм данак мағзидан ёғ ажратиш имконияти мавжуд.

**Рустам ЮСУПОВ, «Turkiston» мухбири**

(Давоми, бошланиши 1-саҳифада)

Президентимиз маърузаларида мамлакатни раванга топтириш, жамият ҳаётидаги муҳим ижтимоий-иқтисодий масалалар ечимига мулкдорлар синфининг роли ва фаоллиги юқори эканини кўп бора таъкидлаган. Аҳоли бандлигини таъминлаш, реал даромадларини ошириш, турмуш шароитларини яхшилашда хусусий секторнинг муносиб улуши бор.

Бугунги кунда ички меҳнат бозорига иш билан банд аҳолининг 75 фоизи кичик бизнес ва хусусий тадбиркорлик соҳасида фаолият кўрсатмоқда. Ўтган йили республикамизда яратилган 1 миллионга яқин иш ўрнининг салмоқли қисми айнан шу соҳага тўғри келади. Эътиборлиси, ёшларнинг аксарияти ўз келажакини кичик бизнесда кўряпти. Бу уларнинг хусусий секторда меҳнат қилишига эмас, балки шахсий ишини бошлашга бўлган юқори интилишида ҳам намоён бўлмоқда. Шу мақсадда мамлакатимизда бир қатор танловлар ташкил қилиниб, ғолиблар тадбиркорлик фаолияти билан шуғулланиш учун керакли билим ва сармояга эга бўляпти. Масалан, ўтган йили ўз бизнесини йўлга қўйишга қарор қилган коллеж битирувчиларига салкам 200 миллиард сўмлик имтиёзли микро-

## ЁШ ТАДБИРКОР ФАОЛ — ЖАМИЯТ ФАРОВОН



кредитлар ажратилди.

— Ёшларни тадбиркорликка жалб этиш ҳамда бизнесдаги иштирокини рағбатлантириш мамлакатимизда изчил амалга оширилаётган ёшларга оид давлат сиёсатининг устувор йўналиши ҳисобланади, — дейди «Камолот» ёшлар ижтимоий ҳаракати Урганч шаҳар кенгаши раиси Фозил Болтаев. — Бу йўналишда давлат, нодавлат ҳамда молиявий ташкилотлар ўртасида ижтимоий шериклик муносабатлари ўрнатилган. Масалан, ҳар йили Ўзбекистон Савдо-саноат палатаси, тижорат банклари ҳамкорлигида коллеж битирувчилари ўртасида «Менинг бизнес ғоям» танловини ўтказамиз. Энг

яхши бизнес ғоялар муаллифларига имтиёзли кредит олиш ҳуқуқи берилади. Таъкидлаш керак, тадбиркорлик йўналишидаги лойиҳаларимизда қатнашишни хоҳловчи ёшлар сони йилдан-йилга кўпаймоқда.

Ўтган йили Урганч шаҳрида 1347 нафар тадбиркор давлат рўйхатидан ўтган бўлса, шундан 306 нафари ёшлар, асосан, касб-хунара коллежларини тамомлаган йигит-қизлардир. Уларнинг тадбиркорликка қизиқишини асословчи бир қанча омиллар бор. Юртимиздаги қулай ишбилармонлик муҳити ҳамда тадбиркорларга берилаётган имтиёзлар шулар жумласидан.

Хусусан, жорий йилдан бошлаб яқка тартибдаги

тадбиркор сифатида давлат рўйхатидан ўтувчи касб-хунара коллежлари битирувчилари қатъий белгиланган солиқни тўлашдан олти ой муддатга озод этилмоқда. Мазкур имтиёз 2014 йил 4 декабрда қабул қилинган «Солиқ ва бюджет сиёсатининг 2015 йилга мўлжалланган асосий йўналишлари қабул қилинганлиги муносабати билан Ўзбекистон Республикасининг айрим қонун ҳужжатларига ўзгартиш ва қўшимчалар киритиш тўғрисида»ги Ўзбекистон Республикаси қонунида назарда тутилган. Унга мувофиқ, Солиқ кодексининг 375-моддасига тегишли ўзгартириш киритилди. Ўз навбатида, белгиланган

солиқ имтиёзи ёш тадбиркорлар сафини кенгайтирибгина қолмай, янги иш ўринларини яратиш ҳамда бандлик масаласини ижобий ҳал этишга хизмат қилади.

— Ёшлар тадбиркорликка қизиқаётгани яхши, албатта. Аммо уларнинг келгуси фаолиятини қўллаб-қувватлаш ҳам муҳим масала, — давом этади Фозил Болтаев. — Бу борада амалий ишлар қияланиб, яқинда Савдо-саноат палатасининг Урганч бўлими билан ҳамкорликда ёш тадбиркорлар ўртасида сўровнома ўтказдик. Респондентларнинг 64 фоизи фаолиятини янада кенгайтириш учун қўшимча кредит олишга эҳтиёжи борлигини айтган. Аммо уларнинг ярмидан кўпи

бунинг учун қандай меъёрий ҳужжатлар талаб этилишини билмайди. Айрим тадбиркорлар солиқларни тўлашга қийналаётгани туфайли фаолиятини тугатишга мажбур бўлмоқда. Шуларни инобатга олиб, ҳамкор ташкилотлар билан бирга ёш тадбиркорларнинг ҳуқуқий билиминини ошириш, инновацияларга доир тушунчасини кенгайтириш мақсадида ўқув-семинарлар ташкил қилинапти.

Ф.Болтаевнинг айтишича, бундай тадбирлар уларга мавжуд муаммо ва камчиликларни бартараф этишга, фаолиятини мустаҳкамлашга амалий ёрдам беради.

**Наргиза УМАРОВА, «Turkiston» мухбири**

Dolzarb mavzu

# МАКТАБ

# ОШХОНАЛАРИ

## бугун қандай аҳволда?

Бугунги кун боласини фаст-фудга ўхшаш осон ва тез тайёрладиган “таом”-лардан ҳимоя қилиш анча мушкул. Биринчидан, шаҳар жойларида улар ҳар қадамда сотилади. Кўп реклама қилинади. Асосийси, таркибида таъм ва ҳид кучайтирувчи, ранг берувчи турфа кимёвий қўшимчалар бўлгани туфайли ниҳоятда мазали. Шу сабаб дўмбоқ гамбургеру иссиққина хот-догларни яна ва яна истеъмол қилгимиз келаверади. “Оммавий маданият” унсури бўлган бундай овқатланиш тарзига қарши курашиш долзарб масаладир. Айниқса, бу иллат ёш авлод саломатлигига хавф солаётганини инобатга олсак.

Бир неча йилдирки, республикамиз таълим муассасаларида ёшларни соғлом овқатлантиришга давлат даражасида алоҳида эътибор қаратилмоқда. Бунга Вазирлар Маҳкамасининг 2010 йил 20 августда қабул қилинган “Таълим муассасаларида соғлом овқатланиш шарт-шароитларини яхшилаш бўйича чора-тадбирлар тўғрисида”ги қарори ҳуқуқий асос бўлиб хизмат қилди. Қарорнинг мазмун-моҳияти, аҳамияти, ижроси, шунингдек, мактаб ошхона ва буфетларидаги аҳволни газетамизда аввал ҳам ёритган эдик. Бироқ масаланинг долзарблиги бизни яна шу мавзуга қайтишга ундади.

Эслатиб ўтиш керак, ҳукумат қарори асосида Таълим муассасаларида соғлом овқатланишни ташкил этиш тўғрисидаги низом ҳамда тегишли санитария-эпидемиология талаблари ишлаб чиқилган. Ҳар икки ҳужжат умумтаълим, ўрта махсус ҳамда олий таълим муассасаларига бирдай тегишли. Низомга кўра, ушбу муассасаларда таркибида зарарли моддалар бўлган озиқ-овқат маҳсулотларини сотиш қатъий тақиқланади. Ўқувчиларнинг овқатланишни ташкил этиш борасидаги фаолият эса фақат танлов асосида саралаб олинган юридик шахс мақомига эга тадбиркорлик субъектлари томонидан амалга оширилиши мумкин.

### ИССИҚ ОВҚАТ — МАЖБУРИЙ

Йўл-йўлакай пойтахтимиздаги 110-умумтаълим мактабига кирдик. Жорий ўқув йили олтидан мактаб ошхонаси таъмирдан чиқарилди. Ҳозир бу ерда “Max Elite group” масъулияти чекланган жамияти хизмат кўрсатмоқда.

— Ҳар куни ошпазларимиз беш хил иссиқ овқат, салатлар тайёрлайди. Ассортиментда сомса ва булочкалар ҳам бор, — дейди корхона директори Баҳодир Мақсудов. — Таомномани мактаб маъмурияти билан келишилган ҳолда тузамиз. Ўқувчиларнинг ёши, қолаверса, организм учун керакли витамин ва минераллар миқдорини алоҳида инобатга оламиз. Бу бўйича Давлат санитария-эпидемиология нazorати марказининг тавсиялари ишлаб чиқилган. Масалан, болаларнинг кунлик рационидида гўшт, сут ёки сут маҳсулотлари, мева, сабзавотлар бўлиши шарт. Куз мавсумида ўқувчиларга наъматак дамламасини бепул тарқатамиз. Эрталаб, ошхона ҳали очилмасдан аввал мактаб ҳам-

“Умумий ўрта таълим, ўрта махсус ва олий таълим муассасалари таълим олувчиларининг хавфсиз овқатланишини ташкил этишга доир санитария-эпидемиология талаблари”да мактаб ошхонаси учун таомнома қандай тузилиши кераклиги белгилаб қўйилган. Намунавий таомномада ҳар бир овқатнинг таркиби, унда қанча витамин ва минерал моддалар борлиги, энергетик қуввати ва озуқавийлиги кўрсатилиши шарт. Бундан ташқари, Республика давлат санитария-эпидемиология нazorати маркази мутахассислари ўқувчилар ёшига мос овқат миқдорини ҳам ҳисоблаб чиққан. Хусусан, бошланғич синфлар учун тайёрланадиган сабзавот, тухум ёки творогли овқатлар ҳамда гарнирнинг бир порцияси 150-200 грамм, гўшт — 80-120 грамм, салат — 60-100 грамм, ичимликлар — 200 грамм, мева-лар 100 граммдан кам бўлмаслиги керак.

110-мактаб ошхонасида таомларнинг нархи чиндан ҳам қиммат эмас. Иссиқ овқат 1,5 мингдан 3 минг сўмгача. Аммо бола барибир бола-да. Тезроқ бўлай деб одатда қорнини сомса ёки булочка билан тўйдирди. Ахир, уларни йўл-йўлакай еб кетаверса ҳам бўлади-да...

Ошхонанинг бир бурчагини буфет эгалаган. Аксарият болалар танаффус бўлди дегунча, бу ерга чопади. Кимга қанд-курс, кимга сақич, печенье, шоколад ёки бошқа ширинлик керак. Б.Мақсудов “ўқувчилар шуларни сотиб олиш учун нукул ташқарига чиқиб келгандан кўра, ўзимизда бўлгани яхши-да” деган фикрни билдирди. Эҳтимол, тадбиркор мактаб ошхонаси харажатлари ва буфет даромадлари мутаносиблигига эришишни ўйлаётгандир? Ҳарқалай, бу бизга ҳамроҳлик қилган мактаб директорининг ўринбосари Елена Скворцовани безовта қилмади. У ҳайратимизга сукут билан жавоб берди холос.

### КЎРИНМАС КОНСЕРВАНТЛАР

Миробод туманидаги 94-мактаб ошхонасига айна катта танаффус пайтида кирибмиз. Ҳар доимгидек буфетдаги ходимларнинг кўли кўлига тегмайди. Растада-



ги ширин булочкалару қўлбола пицца ва гамбургерлар ўқувчилар ўртасида, том маънода, талаш. Буфетчи опа ярим тайёр гамбургерларни бирин-кетин микро-тўлқинли печда иситиб, майонез қўшиб болаларга узатмоқда. Кимёвий қўшимчаларга бой майонез аллақачон мактаб таомномасидан олиб ташланганини билмас керак-да, бояқиш. Майонез нима сабабдан тақиқланган маҳсулотлар рўйхатига киритилганини ҳам бироз изоҳлаб ўтсак.

Фаст-фуд таомларининг барчасида учрайдиган майонез ва кетчуп сунъий таъм, ҳид, ранг берувчи турфа моддалар ҳамда консервантлар асосида тайёрланади. Улар умумий ном билан озиқ-овқат

Майонезли гамбургер, хот-дог, лаваш, газли ичимликлар, чипсию қадоқланган сухарилар... Саломатлигимизга жиддий хавф солувчи бундай маҳсулотлардан тийилганимиз маъқул. Ушбу меъёрни дунё диетологлари соғлом овқатланишнинг “олтин қондаси”га киритган. Бинобарин, инсон болалигиданоқ зарарли ва ҳатто заҳарли озиқ-овқатдан муҳофаза қилиниши керак.



### КЎЧАДАГИ “ТАДБИРКОР”ЛАР

10-мактабнинг рўпарасида Тошкент алоқа касб-хунара коллежи жойлашган. Йўл-йўлакай у ерга ҳам кириб, ошхонадаги аҳвол билан танишиш истаги уйғонди. Тушлик пайти келишга қўнғилар қорин тўйдирди билан банд. Лекин негадир аксарияти бу эҳтиёжини таълим муассасасида эмас, кўчада қондирмоқда. Автомобиль йўли ёқасидаги манзарани кўриб, ёқа ушлайсиз.

Ҳар қадамда хот-догу гамбургерлардан ташқари, шундайгина кўчада қовурилатган пирожки, уйда пиширилган хоним, сомсаларнинг бозори чаққон. Улар қандай шароитда тайёрлангани, харидорга қай ҳолатда тортиқ қилинаётганининг ўзиёқ киши таъбини хира қилади. Сотувчи опаларда на таомни озода сақлашга шароит, на уни солиб бериш учун идиш, на кўл чайишга сув, на артишга сочиқ бор. Тадбиркорлик фаолиятига рухсат берувчи лицензия, маҳсулот сифати ва хавфсизлигини тасдиқлайдиган сертификат, бориники, оддийгина тиббиёт дафтарчаси мавжудлиги ҳақида-ку гап бўлиши мумкин эмас. Аравачага солинган хонимлар бир зумда сотилиб, уздабурон “тадбиркор”лар мамнун ҳолатда уй-уйига равона бўлмоқда. Ўқувчилар қаерда ва қандай овқатланаётгани наотки коллеж раҳбариятини қизиқтирмасан?

— Ошхонамиз вақтинча ишламаяпти, — дейди Тошкент алоқа коллежи директори Мавлон Турсунов. — Шу пайтгача хизмат кўрсатиб келган “Кушоода савдо” корхонаси кўп бора оғохлантиришимизга қарамай, санитария-гигиена талабаларини мунтазам бузиб келгани боис улар билан ҳамкорликни тўхтатиб туришга мажбур бўлдик. Ҳозирча коллеж ҳудудида фақат кичикроқ ёзги ошхона фаолият кўрсатмоқда. Албатта, бу етарли эмас. Аммо тендер асосида янги ҳамкорларни аниқлаганимизча бошқа иложимиз йўқ.

Коллеж ҳудудидаги ёзги ошхонага кирдик. Ҳа, аҳвол ҳавас қиларли эмас. Ошхона жиҳозлари, газ плитаси, столлардаги озодалик ўзига яраша. Ҳарқалай, ошпазлар жамоаси кўчадан келмаган. Улар “Файзи баланд савдо” корхонасининг ходимлари.

— Битта иссиқ овқат, сомса ва пирожкилар пиширамиз, — дейди ошпаз Бобомурод Норкулов. — Овқатланишга баъзан ўқувчилар ҳам келиб туради. Ҳеч ким шикоят қилганича йўқ...

Таълим муассасаларида сотилиши тақиқланган газли чанқовбосди ичимликларни мазкур коллеж ошхонасида ҳам кўрдик. Бундай ҳолат ортиқча изоҳга ҳожат қолдирмас керак.

\*\*\*

Мактаб ошхоналаридаги бугунги аҳволга бағишланган материалнинг хулосасини ўзингизга қолдирдик, азиз муштарий. Фақат бир фикрни яна такрор таъкидлаш фойдадан холи бўлмасди. Ўқувчи ва талаба ёшларнинг соғлом овқатланишини ташкил этиш учун давлат зарур механизмларни яратган. Таълим муассасаларидаги ошхона ва буфетларда ким, қандай фаолият кўрсатиши кераклиги, нимани сотиш мумкин-у, қайси маҳсулотлар савдоси тақиқлангани ҳам аниқ-равшан. Бироқ болаларимиз саломатлиги ҳақида биринчи навбатда биз — катта ёшдагилар қайғуришимиз керак эмасми?! Шундай экан, бу масалада йўл қўйилаётган айрим нуқсон ва камчиликлардан кўз юмиш, бепарво бўлишга ҳақли эмасмиз.

**Наргиза УМАРОВА,**  
“Turkiston” муҳбири.

Александра Спиридонова  
олган суратлар.

**Ўқувчи суткалик калорияларнинг 70 фоизини мактаб ошхонасида олади. Санитария-эпидемиология талабларига кўра, ушбу меъёрнинг 25 фоизи нонушта, 35 фоизи тушлик, 10 фоизи иккинчи тушликка тўғри келиши керак.**

шираси тайёр овқат ва пишириқлардан намуна олади. Уларнинг сифати ва нархи ҳам доимий назоратда.

## Bolalar sporti

СОҒЛОМ АВЛОД —  
КЕЛАЖАГИМИЗ

Қорақалпоғистон Республикасида Болалар спортини ривожлантириш жамғармаси маблағлари ҳисобидан 2003-2014 йилларда 150 га яқин замонавий болалар спортини иншооти қурилиб, фойдаланишга топширилди.



Президентимиз раҳнамолигида навқирон авлодни спортга кенг жалб этиш, улар ўртасида соғлом турмуш тарзини қарор топтиришга қаратилаётган алоҳида эътибор ёшларнинг соғлом ва бақувват бўлиб улғайишига хизмат қилмоқда. Бугунги кунда энг чекка овуларда ҳам ёшларнинг спорт билан мунтазам шуғулланиши учун мухташам спорт мажмуалари, стадионлар, спорт заллари барпо этилиб, замонавий жиҳозланмоқда.

Шуманай тумани ёшлари яра-

тилаётган бундай шароитлардан самарали фойдаланаётир. Хусусан, замонавий болалар ва ўсмирлар спорт мактаби барпо этилиб, малакали мураббийлар, зарур жиҳозлар билан тўлиқ таъминлангани туман ёшларининг турли мусобақаларда муваффақиятли иштирок этишига замин яратди. Мактабда 172 миллион сўмликдан зиёд таъмирлаш ишлари амалга оширилгани тарбияланувчилар учун имкониятларни янада кенгайтди.

— Давлатимиз раҳбари томони-

дан болалар спортини ривожлантиришга қаратилаётган алоҳида эътибор бизга катта масъулият юклаш билан бирга, соғлом ва баркамол авлодни вояга етказиш борасидаги кенг кўламли ишларимизнинг янада самарали бўлишига хизмат қилмоқда, — дейди спорт мактаби директори Мамбет Тўремуратов. — Бугунги кунда мактабимизда 574 ўқувчи, шундан 184 нафар қизлар бадий гимнастика, миллий кураш, теннис, енгил атлетика, таэквондо, футбол, баскетбол билан мунтазам шуғулланмоқда. Ўн уч нафар малакали мураббий уларга спорт сирларини ўргатмоқда.

Мактаб тарбияланувчилари орасида иқтидорли, Қорақалпоғистон Республикаси ва мамлакатимиз миқёсидаги мусобақаларда муваффақиятли иштирок этаётган ёшлар кўп. Спортнинг теннис тури бўйича Гўзал Сейдуллаева, Ўрозбек Умрзоқов, Абулқосим Қўчқоров, стол тенниси бўйича Наргиза Бекмуратова, Саламат Таубемуратов, бадий гимнастика бўйича Балхия Амирова, Хурлиман Сейтназарова, Сайёра Тангрибергенова кабилар шулар жумласидандир.

Спортнинг таэквондо тури бўйича 2014 йил ноябрь ойида ўтказилган Қорақалпоғистон Республикаси биринчилигида Саламат Шерманов иккинчи, Меҳрибон Муратова учинчи ўринни қўлга киритди.

Фарзандларимизнинг жисмонан ва маънан соғлом бўлиб вояга етиши нафақат ҳар бир оила, балки мамлакат, жамият истиқболлига бевосита дахлдор масала. Зеро, спорт билан шуғулланган болада ўзига ишонч ортади, маънавий юксалади.

**А.ОРТИҚБОЕВ,  
ЎЗА МУХБИРИ**

## 2015-yil — Keksalarni e'zozlash yili



Акрам Абдуллаев олган сурат

## УЙЛАРИМИЗ ФАЙЗИ

Бугун мухтарам Президентимиз раҳнамолигида мустақиллигимизни янада мустаҳкамлашда фидокорона меҳнатини аямай, ёш авлодни ватанпарварлик руҳида тарбиялаш йўлида улкан хисса қўшаётган кекса авлод вакилларига алоҳида эҳтиром қўрсатилмоқда.

2015 йилга «Кексаларни эъзозлаш йили» деб ном берилишида чуқур маъно бор. Вилоятимизда умргузаронлик қилаётган 140000 нафардан зиёд нуроний бу янгиликни кўтаринки руҳ, қалб-

лари эса чексиз хурсандчилик, ифтихор туйғулари тўлган ҳолда кутиб олган эдилар.

Мовароуннахр диёрини қарийб 40 йил бошқарган донишманд ҳукмдор Мирзо Улуғбекни ҳам

момоси Сароймулкхоним тарбиялаган ва шу даражага етишида катта роль ўйнаган. Тарихдан бундай мисолларни яна кўплаб келтириш мумкин.

Халқ орасида «Қариси бор уйнинг париси бўр», «Кексанинг кучидан сўрама, ишидан сўра» каби мақоллар бежиз айтилмаган. Чунки кексаси бор хонадонда доимо файзу барака, тинчлик-хотиржамлик ҳукм сурган. Зотан, кексалар ўз умри давомида бошларидан не не кунларни, қийинчиликларни ўтказиб сабр-тоқат-

ли ва бардошли бўлиб чиниқади.

Бугунги тинч ва обод ҳаётимизни барпо этишга беқиёс хизматлари сингган, хонадонларимизнинг файзи бўлган мўътабар кексаларимизнинг фаровон ва муносиб умр кечириши, уларнинг узоқ умр кўриши учун кенг кўламли чоратадбирларни амалга ошириш барчамизнинг, вазифамиз, инсонийлик бурчимиздир.

**О.БОЛТАЕВА,  
М.ЖАББОРОВА,  
Термиз транспорт  
ва хизмат кўрсатиш  
касб-хунар коллежи  
ўқитувчилари**

## Imkoniyat

Замонавий қишлоқ хўжалиги сирасорларини ўзлаштиришга астойдил бел боғлаган, бу борада тажрибали устозларини-да ортда қолдираётган йигит-қизлар орамизда кўплаб топилди. Зоминлик Дилшод Саидкулов ана шундай ёшлардан.

Фурсатни  
Ғанимат билган  
фермер

Жиззах вилояти Зомин тумани «Иқбол» сув истеъмолчилари уюшмаси худудидаги «Муртозақул» фермер хўжалигини бошқариб келаётган бу йигитни кўпчилик фаол «Камолот»чи сифатида ҳам билди.

Қаҳрамонимиз 2012 йили Жиззах шаҳрида ўтказилган «Тадбиркорлик — мустаҳкам оила пойдевори» бизнес форумида қатнашиб, банкдан имтиёзли кредит олишга муваффақ бўлган эди. 2013 йили эса «Камолот» ЁИХ Зомин тумани кенгаши томонидан «Бўлайлик юрт учун муносиб фарзанд!» шiori остида ўтказилган фестивалда «Энг намунали ёш фермер» номинацияси бўйича диплом билан тақдирланди. Ўтган йили «Камолот» ЁИХ томонидан вилоят касаба уюшмалари агросаноат бирлашмаси, фермерлар кенгаши, савдо-саноат палатаси билан ҳамкорликда ўтказилган «Энг фаол ёш мутахассис» кўрик-танловида иштирок этиб, туман ва вилоят босқичларида «Энг фаол ёш фермер» номинацияси бўйича 1-даражали дипломини қўлга киритиб, республика босқичига йўлланма олди.

Тадбиркорлиги ва ишчанлиги билан бошқа тенгдошларига ўрнаниб келаётган Дилшод Саидкулов ўтган йили яна бир муваффақиятни қўлга киритди. Ноябрь ойида «Энг намунали бошланғич ташкилот» кўрик-танловининг худудий босқичида фаол иштироки учун «Камолот» ЁИХ Жиззах вилояти кенгаши томонидан диплом билан тақдирланди ва бошланғич ташкилот етакчилари республика форумида иштирок этиш учун йўлланма олди. Ноябрьнинг сўнггида Тошкент вилоятининг Бўстонлик туманидаги «Камолот» оромгоҳида ўтказилган корхона, ташкилот ва муассасалардаги бошланғич ташкилот етакчиларининг ўқув семинарида фаол иштирок этди.

Ўз ишининг устасига айланаётган Дилшоднинг бу каби муваффақиятларида отаси Холиқул аканинг хиссаси катта. Қаҳрамонимизнинг айтишича, Холиқул ака кўп тилга оладиган бир мақол бор: «Бозордан қолсанг — бир кун қоласан, экишдан қолсанг — бир йил қоласан». Бу мақолда экин экиш мавсумида фурсатнинг ниҳоятда ғанимат бўлиши уқтирилган. Ота-боболаримиз экишнинг қулай пайти етгач, бу ишни сира ҳам кечиктирмасликка катта эътибор берган. Шу боис у ҳар бир ишни ўз вақтида амалга оширмоқ лозимлигини жуда яхши англайди.

Отасининг тажрибасига таянган қаҳрамонимиз, ўтган йили 32 гектар ердан режадаги 68 тонна ўрнига 70 тонна ғалла топшириб шартнома режасини ортиғи билан бажарди. 21 гектар майдонга чигит қадаб, 48,5 тонна ўрнига 58 тонна пахта топширди.

Ўтган йилларда олинган қўшимча даромадлар ҳисобидан фермер хўжалигимизнинг моддий-техник базасини мустаҳкамлаш учун битта чопиқ трактори, культиватори ва бошқа керакли техникалар сотиб олдик, — дейди Дилшод Саидкулов. — 600 метр жойга 1000 туп терак, 300 метр жойга тол кўчатларини эқдик. Мелиоратив ҳолати ёмон бўлган ерни қўшимча ўзлаштириб, унга мевали дарахт ва сабзавот экишни режалаштиряпмиз. Бу йил лимончилик ва асаларичиликни ҳам йўлга қўйиш ниятимиз бор.

Агротехник қондаларга қатъий амал қилиш, ишчилар билан хушмуомалада бўлиб, ишни тўғри ташкил этиш орқали мунтазам равишда пахта, ғалла, пилла шартномаларини ортиғи билан уддалаб келаётган Дилшод бу йилги режалар ҳақида ҳам жиддий бош қотирмоқда.

**Шоди ОТАМУРОД,  
«Turkiston» мухбири**

## Hunari borning — xazinasi bor

Бухоро шахрининг Шофиркон туманида истиқомат қилувчи 19 ёшли Сурайё Ҳалилова ёшлигидан каштачилик билан шуғулланади. Унинг кашталари вилоят миқёсида машхур. — Оилавий каштачилик билан шуғулланамиз, — дейди қахрамонимиз. — Кашта тикишни учинчи синфда ўқиб юрган пайтимда бошланганман. 11 ёшимда попопчилик ва чеварликни ўргандим. Ҳозирги кунда каштачиликни янада ривожлантиришни мақсад қилганман. Шу йўлда ўз бизнесимни йўлга қўймоқчиман. Коллеж битирувчиларини иш билан таъминлаб, шогирдлар тайёрлаётман. Сурайё ҳунармандлар уюшмаси аъзоси. 2012 йили «Ташаббус» кўрик-танловининг «Ёш ҳунарманд» номинациясида, 2013 йили «Камолот» ЁИХ томонидан ташкил этилган «Юрт келажиги» ва 2014 йили «Ёш тадбиркор — юртга мададкор» танловларида голиб бўлган.

Рустам Назарматов олган сурат.



## Sport xabarlari

## Терма жамоа аъзолари сараланди

Пойтахтимиздаги «Ўзбекистон» спорт мажмуасида дзюдо бўйича Ўзбекистон чемпионати бўлиб ўтди. Унда 410 нафар спортчи ўзаро кураш олиб борди.

Мусобақада Абдулла Тангриёв, Яхё Имомов, Наврўз Жўрақобиллов каби етакчи спортчиларимиз билан бирга ёш иқтидор соҳиблари ҳам иштирок этди. Икки кун давом этган баҳслар натижасига кўра эркалар ўртасида Баҳром Иноят (60 кг), Ҳомиджон Мўминов (66

кг), Гиёсжон Бобоев (73 кг), Шўхратжон Арслонов (81 кг), Яхё Имомов (90 кг), Фахриддин Шарипов (100 кг), Абдулла Тангриёв (+100 кг), Бахтиёр Менглиев (мутлоқ вазн) ўз вазн тоифаларида тенгсиз эканини исботлади.

Шунингдек, Нодира Гулова

(48 кг), Дилдора Убайдуллаева (52 кг), Шоҳида Назарова (57 кг), Турсунпошша Нурматова (63 кг), Гулноза Матниёзова (70 кг), Қумуш Йўлдошева (78 кг), Раҳима Йўлдошева (мутлоқ вазн) аёллар ўртасида Ўзбекистон чемпиони деган номга сазовор бўлди.

Ушбу мусобақа йил давомида ўтказиладиган халқаро турнирлар учун терма жамоа таркибини аниқлаб бериши билан ҳам аҳамиятли эди. Турнирда бир қатор ёш спортчилар саралаб олинди.

Таиландда 14 февралгача давом этадиган велопоёғи бўйича Осиё чемпионатида ҳозирча икки нафар спортчимиз совриндорлар сафидан жой олди.

## Темур — Осиё чемпиони!

Иқтидорли велоспортчимиз Темур Гумеров мусобақанинг кўпкураш баҳсларида иштирок этиб зафар қучди. Эътиборлиси, спортчимиз олтин медаль билан бирга 2016 йили Бразилияда ўтказиладиган XXXI ёзги Олимпиада ўйинлари йўлланмаси учун муҳим рейтинг очколарини ҳам қўлга киритди.

Ёшлар ўртасида ўтказилган мусобақада қатнашган яна бир ҳамюртимиз Дилмурод Сиддиқов қитъа чемпионатининг бронза медали билан тақдирланди.

## Ҳамюртимиз халқаро турнир голиби

Шахмат бўйича Ўзбекистон терма жамоаси аъзоси, халқаро гроссмейстер Жаҳонгир Воҳидов Англиянинг Бирменгем шаҳрида ўтказилган мусобақада беш имкониятдан 4,5 очко жамғариб, голиб бўлди. Тўрт очко тўплаган англиялик Марк Эбден иккинчи ўринни эгаллаган бўлса, кучли учликка қўшимча кўрсаткичларга кўра (3,5 очко) яна бир инглиз шахматчиси Даниэл Гормалли яқун ясади.

## Жаҳон чемпионатида қуръа ташланди

Жорий йили Янги Зеландия мезбонлик қиладиган ёшлар ўртасидаги (U-20) жаҳон чемпионати финал босқичига қуръа ташланди.

Равшан Ҳайдаров бош мураббийлигидаги Ўзбекистон ёшлар терма жамоаси Германия, Гондурас ва Фижи терма жамоалари билан бирга «F» гуруҳидан жой олди. Вакиллариимиз чемпионатни 1 июнь кунини Гондурасга қарши учрашув билан бошлайди. 2-тур ўйинини

терма жамоамиз 4 июнда Германияга қарши ўтказса, 3-тур учрашуви 7 июнь кунини Фижи термаси билан бўлиб ўтади.

Эслатиб ўтаамиз, мазкур мусобақа 30 май кунини саралаб олинди.

Санжар ИСМАТОВ, «Turkiston» муҳбири

## Хазина

Алишер Навоий

## Ҳикматлар

Ҳақ йўлида ким сенга бир ҳарф ўқутмиш ранж ила,  
Айламак бўлмас адо онинг ҳақин юз ганж ила.

\* \* \*

Кимки бир шиддат аро сабру таҳаммул айлади,  
Бахт анинг нешини нўшу хорини гул айлади.

\* \* \*

Эр кишига зебу зийнат ҳикмату донишдурур,  
Яхши киймак бирла хотунларга оройишдурур.

\* \* \*

Кишида барча ахлоқи ҳамида  
Чу жам ўлди — қўярлар отин эҳсон.  
Бири андин саҳодур, бир — мурувват,  
Булар гар йўқтур, инсон эрмас инсон.


\* \* \*

Яхшилиқ тухмини сочғилким, будур деҳқонга сўз:  
Ҳар неким, эқтинг бугун, борин ҳамон тут они кўз.

Бобурнинг ўғли  
Ҳумоюнга мактубидан

...Хатларингни ёзиб бўлгач, уларни қайта ўқимайсан, чунки ўқишга ният қилганингда ҳам ўқий олмасдинг. Ўқий олганингдан сўнг албатта ўзгартирган бўлардинг. Хатингни қийналиб ўқиса бўлади, лекин у жуда чалқаш.

Насрда ҳали ҳеч ким муаммо кўрган эмас. Гарчи унча тўғри бўлмаса ҳам, имлонг ёмонмас. «Илтифот»ни «то» билан, «қулунж»ни «е» билан битибсан. Хатингни бир амаллаб ўқиса бўлади, лекин тушунарсиз сўзларни қўллаганингдан мақсадингни тўла тушуниб бўлмайди. Эҳтимол, хат ёзишга сустилинг шундандир. Жимжимадор сўзларни битмоқчи бўласан, шу боис тушунарсиз чиқади. Бундан кейин такаллуф қилма, равшан ва аниқ сўзлар билан ёз. Сенга ҳам, ўқувчига ҳам таъвиш камроқ бўлади.



XII-XIII асрларда яшаган бу зотни илм аҳли Аҳмад Фарғоний ва Абу Райҳон Берунийнинг илмий анъаналарини давом эттирган алломалардан бири сифатида тан олади. Унинг «Тўғқиз сонининг риёзиётдаги ўрни ҳақида рисола», «Меросни бўлиш масалаларида риёзиёт усулларига шарҳ» каби асарлари мавжуд.

Айтинг-чи, гап қайси улўф юртдошимиз ҳақида бормоқда?

Жавобингизни 13 февраль соат 16:00га қадар 233-79-69, 233-95-97 рақамлари орқали билдиришингиз мумкин. Тўғри жавоб йўллаган муҳлислар номи газетамизда эълон қилинади. Саволларга энг кўп тўғри жавоб топган муштарийлар йил якунида қимматбаҳо совғалар билан тақдирланади.

Ўтган сондаги саволнинг жавоби: Алишер Навоий. Мирзачўл туманидан Дўстёр Абдулхайров ва Норин туманидан Фотима Мамадалиева тўғри жавоб йўллади.

## Тафаккур қилинидан бир қатра

Яхши феъл билан одамлар кўнглини олиб, ўзингни ёмон қилиқлардан сақлаб яша.

Аҳмад Югнакий

## МУАССИС

«КАМОЛОТ» ЁШЛАР ИЖТИМОЙ  
ҲАРАКАТИ МАРКАЗИЙ КЕНГАШИ

Газета Ўзбекистон  
Республикаси  
Матбуот ва ахборот  
агентлигида 2007  
йил 19 апрелда  
№ 0242 рақам билан  
рўйхатдан ўтган.

ISSN 2010-6998



91772010699000

## БОШ МУҲАРРИР

Каримов  
Фахриддин Турдалиевич

## Тахрир ҳайъати

Баҳодир Ганиев, Меҳриддин Шуқуров (бош муҳаррир ўринбосари — «Turkiston»), Элмурод Нишон (масъул котиб — «Turkiston»), Ирина Кочергина (бош муҳаррир ўринбосари — «Молодёжь Узбекистана»), Елена Калинина (масъул котиб — «Молодёжь Узбекистана»), Рустам Қосимов

## Навбатчи муҳаррир

Вафоев  
Жавлон  
Эркинович

## Саҳифаловчи

Рўзиев  
Зафар  
Хусанович

Газета таҳририят компьютер марказида терилди ва саҳифаланди.

Таҳририят манзили: 100029, Тошкент, Матбуотчилар кўчаси, 32.  
Телефонлар:  
(371) 233-95-97. (371) 233-79-69  
e-mail: info@turkiston.uz

«Шарқ» наشريёт-матбаа акциядорлик компанияси босмахонасида, А-3 форматда чоп этилди. Ҳажми — 2 босма табак. Корхона манзили: «Буёк Турон» кўчаси, 41.

Индекслар: 203, 3203  
Баҳоси келишилган нарҳда.

Буюртма Г-256.  
Адади — 11261

Босишга топшириш вақти — 21.00  
Тошпирилди — 22.50  
ЎЗА якуни — 20.40

Офсет усулида босилган.

1 2 3 4 5